

\*  
\* \* \*

Ùn era u più tarcanu in scola, era indè l'ultimi ancu ; riflittendu mi pare ch'eo era l'ultimu da veru. I prufessori mi tenianu quantunque caru...

Un ghjornu madama Vernoux, a prufessora di francese ci hà resu e nostre spiecazione di testi, aghju avutu 6 nantu à 20.



– Speru chì a to mascina à sbuchjà e bannane sarà più riesciuta... m'hà dettu fendumi un picculu surrisu.

CREDU ch'eo era ben vistu per via di questa, per via d'issa lettara ch'eo avia mandatu.

Quì, tutt'ognunu sapia, ch'eo era un zucca, ma ch'eo vulia caccià ci i pedi.

Invece chì in disegnu è in EMT era un capimachja. Soprattuttu in EMT ne sapia di più cà u professore. Quandu i sculari ùn ghjunghjanu micca à fà qualcosa, venianu à vede à mè.

À principiu, Jogleux a pigliava male, avà face cum'è elli, mi dumanda sempre cunsigli. Mi campu di rise.

U sport mi casticava. Sò sempre statu un zeru, ma quì si vidia di più, perchè l'altri, eranu forti è ch'ella li piacia. Mancava tuttu : hè nurmale, ùn sò nè corre nè saltà, nè ciuttà, nè chjappà un ballò, nè mancu lampallu... Nunda Nunda. Zeru. Vai à dorme !

L'altri si ne ridianu di mè, è dicianu :

– O, Dubosc quandu metti à u puntu una mascina à fabricà ti i musculi ?

– Attenti o zitè ! Dubosc hà da saltà approntate puru fascie è fasciole !

Ogni settimana sentia a mo mamma à u telefonu. Ogni volta principiava dumandenduli e nutizie. Un ghjornu hà finitu per cappià :

– Senti o Grigò basta. Ùn mi pone più issa dumanda. Sai bè chì s'ellu ci era

qualcosa di novu a ti dicerebbe subbitu.  
Parlammi piuttosto di tè, di ciò chè tù  
faci, di i to prufessori, è tuttu què...

Ùn avia nunda à dilli. Mi furzava appena,  
eppo tagliava à l'accorta a cunversazione.  
M'intaressava solu di babbò, u restu ùn  
n'avia primura...

\* \*  
\* \*